

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-1967/10
Sarajevo, 29.06.2010. godine

ZAPISNIK

sa 71. sjednice Ekonomsko-socijalnog vijeća za teritoriju Federacije Bosne i Hercegovine, održane dana 29.06.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Dr. Perica Jelečević, federalni ministar rada i socijalne politike, Desnica Radivojević, federalni ministar trgovine, Nail Šećkanović, federalni ministar prometa i komunikacija, Radovan Vignjević, koordinator, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujjić, predsjednik Samostalnog sindikata radnika šumarstva, prerade drveta i papira BiH, Mladen Pandurević, Eldin Brčaninović, Selim Babić i Edin Ibrahimpašić ispred Udruženja poslodavaca Federacije BiH.

Sjednici nisu prisustvovali:

Vjekoslav Bevanda, federalni ministar financija, Vahid Hećo, federalni ministar energije, rudarstva i industrije, Predrag Čović ispred Udruženja poslodavaca Federacije BiH. Umjesto ministra Vjekoslava Bevande bila je prisutna Zada Gabela, sekretar ministarstva financija, a umjesto Vahida Heće bio je prisutan zamjenik Stipo Buljan.

Osim članova Ekonomsko-socijalnog vijeća sjednici su prisustvovali:

Snježana Bodnaruk, pomoćnik ministra zdravstva za pravne poslove, Senad Huseinagić, član ekspertnog tima za izradu Zakona o zdravstvenoj zaštiti i Ernevaza Hrustanović ispred stručne službe ESV-a.

DNEVNI RED

1. Usvajanje zapisnika se prethodne sjednice ESV-a;
2. Nacrt zakona o zdravstvenoj zaštiti;
3. Prijedlog zakona o reviziji privatizacije državnog kapitala u privrednim društvima i bankama;
4. Razmatranje uvjeta za stand-by aranžman sa Međunarodnim monetarnim fondom;
5. Razno.

Prije početka sjednice socijalnim partnerima je podjeljen dodatni materijal koji se odnosi na Izmjene i dopune zakona o doprinosima razmatranim na Domu naroda parlamenta federacije po hitnom postupku.

Predsjedavajući ESV-a obavijestio je prisutne da je 10. 06.2010. godine su u sjedištu Vlade Federacije Bosne i Hercegovine u Sarajevu zvaničnici Vlade, sindikata i udruženja poslodavaca potpisali protokol kojim je definirano da ove tri strane započnu pregovore radi izmjena i dopuna Općeg kolektivnog ugovora za teritoriju Federacije BiH. Predstavnici socijalnih partnera istog dana prisustvovali su 146. Sjednici Vlade FBiH.

Zbog zainteresovanosti medija za rad ESV-a dogovoreno je da predstavnici socijalnih partnera tijekom i nakon sjednice razgovaraju s njima o aktuelnim temama.

Ad.1.

Zapisnik sa 70. sjednice usvojen bez primjedbi.

Ad.2.

Pomoćnica ministra zdravstva za pravne poslove Snježana Bodnaruk saopštila je da je Zakon o zdravstvenij zaštiti dobio koncenzus kantona i da je provedena javna rasprava koja je trajala 6 mjeseci, i u koju su se svi mogli uključiti. Zakon je prihvaćen od strane oba Doma Parlamenta, ali je napomenula da su otvoreni za primjedbe koje bi se eventualno mogle primijeniti u podzakonskim aktima.

Predstavnici Sindikata izrazili su nezadovoljstvo činjenicom da nisu bili uključeni u rasprave prilikom donošenja ovog zakona, te da će ostati uzdržani od diskusije o zakonu koji je već usvojen.

Predstavnici Poslodavaca napomenuli su da su tražili da se ovaj zakon povuče iz procedure dok ne bude raspravlján na ESV-u. Smatraju da je napravljen propust što se nije dala prilika socijalnim partnerima da daju svoje mišljenje o zakonu.

Zaključak ESV-a je da se Vladi FBiH uputi protest zato što Zakon nije dostavljen ESV-u na razmatranje prije njegovog usvajanja.

Ad.3.

Predstavnik Ministarstva energije, rudarstva i industrije saopštio je da će Zastupnički dom Parlamenta FBiH 30.06.2010. razmatrati Prijedlog zakona o reviziji privatizacije državnog kapitala u privrednim društvima i bankama. Ova verzija zakona je rezultat vođenih rasprava, i iako je materija zahtjevna, smatra da je tekst koncizan, zakon je kratak i Vlada se prema njemu pozitivno odredila.

Zakon predviđa osnivanje Agencije za reviziju privatizacije u FBiH koja bi radila 5 godina i po potrebi obezbijedila stručnjake ili specijalizovane kuće za pomoć pri radu. Revizija bi obuhvatila privatizaciju od 1998. godine. Apelira da se zakon podrži, a sve iznesene primjedbe biće prenešene na razmatranje.

Predstavnici Sindikata smatraju da je potrebno provesti sveobuhvatniju reviziju privatizacije, odnosno proširiti Član 5. Zakona i time omogućiti reviziju svih privatiziranih preduzeća. Vezano s tim prijedlog je i da se iz naziva zakona izbaciti riječ „državnog“. Predstavnici Poslodavaca smatraju da je prijašnji Prijedlog zakona bio bolji. Osnivanje Agencije za reviziju kao novog tijela iziskuje dodatne troškove i smatraju da bi bilo bolje to

bude dio određenog ministarstva. Navode da se u Članu 15. Zakona neke nadležnosti Agencije preklapaju sa već postojećim nadležnostima. Ipak, poslodavci podržavaju i ovaj Prijedlog zakona.

Zaključak ESV-a je da se Prijedlog zakona podrži s ciljem da se ovaj proces što prije okonča, pod uslovom da se primjedbe vezane za proširenje Člana 5. Zakona radi sveobuhvatnije revizije privatizacije, uključujući i reviziju „Markovićeve“ privatizacije, kao i izmjene njegovog naziva, bez riječi „državnog“, uzmu u razmatranje.

Ad.4.

Sekretar Ministarstva financija FBiH Zada Gabela govorila je o uvjetima za stand-by aranžman sa Međunarodnim monetarnim fondom, odnosno nacrtu pisma namjere koje trenutno nije potpisano jer Federacija BiH još nije ispunila sve predviđene uvjete.

Uvjeti koji nisu ispunjeni odnose se na plaće, boračku zaštitu i neizmirene obaveze. Naime, Zakon o plaćama nije prošao oba Doma parlamenta i još je u fazi definiranja, formirani su timovi za reviziju boračko-invalidske zaštite ali još nisu krenuli sa radom, a po pitanju beneficiranih penzija još nije počela izmjena propisa. Reguliranje neizmirenih obaveza ministarstvo će riješiti rebalansom budžeta, odnosno izmiriti 180 mil. duga prema penzionerima.

Trenutno u Ministarstvu finansija čekaju na strukturne odrednice koje su nadležnost ostalih resornih ministarstava.

Predstavnik Sindikata saopćio je, nakon prisustva na raspravi Zakona o plaćama, da će ostati isti princip utvrđivanja osnovice za plaće, odnosno satnica pomnožema koeficijentom, što smatra ispravnim.

Pošto policija nije obuhvaćena ovim zakonom smatra da za njih treba da se donese paralelan zakon.

Zaključak ESV-a je da socijalni partneri treba da prate realizaciju postignutih dogovora između Vlade i Sindikata, te da prate da reforma sistema plaća i naknada bude harmonizirana, sveobuhvatna i transparentna, bez negativnog uticaja na socijalno ugrožene kategorije.

Ad.5.

Nije bilo prijedloga za raspravu pod ovom tačkom Dnevnog reda.

Napomena: Inicijativa ESV-a je da se Zakon o ESV-u uputi Vladi FBiH sa preporukom da ga razmotri, utvrdi Nacrt i uputi u dalju proceduru.

Sjednica Ekonomsko-socijalnog vijeća zaključena je u 17.45 sati.

Naredna sjednica ESV-a zakazana je za 27.07.2010. godine, sa početkom u 16,00 sati.

Predloženi dnevni red je:

1. Zakon o radu;
2. Zakon o sigurnosti i zaštiti na radu;
3. Zakon o posredovanju u zapošljavanju

Zapisnik vodila i obradila
Snježana Kapić

Predsjedavajući
Ekonomsko-socijalnog vijeća
Edhem Biber